

**APLIKASI BALI SIMBAR DWIJENDRA 2021 KAANGGEN NINCAPANG
KAWAGEDAN NYURAT PUPUH SINOM SISIA KELAS 7A SMP N 4
SUKASADA**

Olih

Dewa Putu Sudirga Putra

Program Studi Pendidikan Bahasa Bali

KUUB

Tetilikan puniki matetujon nlatarang 1) prasida nlatarang indik pidabdab pamlajahan sajeroning ngawigunayang Aplikasi Bali Simbar Dwijendra 2021 nyurat pupuh sinom sisia kelas VIIA SMP N 4 Sukasada, 2) Mangda prasida kauningin asapunapi tata cara nincapang kawagedan ngangen Aplikasi Bali Simbar Dwijendra 2021 anggen nincapang kawagedan sisia nyurat pupuh sinom sisia kelas VIIA SMP N 4 Sukasada, 3) Mangda prasida nelatarang indik penampen sisia ring kawentenan Aplikasi Bali Simbar Dwijendra 2021 anggen nincapang kawagedan sisia nyurat pupuh sinom sisia kelas VIIA SMP N 4 sukasada. Tetilikan kamargiang ngangen data kualitatif miwah data kuantitatif. Jejering tetilikan sisia kelas 7A SMP N 4 Sukasada, miwah penandang tetilikan inggih punika pamlajahan ngawigunayang aplikasi Bali Simbar Dwijendra 2021 anggen nincapang kawagedan sisia nyurat pupuh sinom. Kramaning mupulang data kamargiang pratiaksa, tes miwah kuesioner, pikolih sajeroning tetilikan 1) pidabdab ngawigunayang aplikasi Bali Simbar Dwijendra 2021 sampun nganutin pangrencana pamlajahan, 2) tata cara ngawigunayang aplikasi Bali Simbar Dwijendra 2021 prasida kaanggen nincapang kawagedan sisia nyurat pupuh sinom, wenten panincapan skor rerata sisia, ring pailehan I 74.18, ring pailehan II 83.68. 3) panampen sisia ngamolihang pikolih becik. Saking ngawigunayang aplikasi Bali Simbar Dwijendra 2021 wenten ius sané pinih becik kaanggen nincapang kawagedan sisia nyurat pupuh sinom sisia kelas 7A SMP N 4 Sukasada.

Kruna Jejatom : Aplikasi Bali Simbar Dwijendra 2021, Aksara Bali, Pupuh Sinom

PRAYA KATUR

Om Swastyastu

Rasa angayu bagia aturang titiang majeng Ida Sang Hyang Widhi Wasa sangkaning asung kerta waranugraha ida titiang prasida ngamargiang tur puput antuk skripsi titiang sane mamurda "*Aplikasi* Bali Simbar Dwijendra 2021 Kaanggen Nincapang Kawagedan Nyurat Pupuh Sinom Sisia Kelas VIIA SMP N 4 Sukasada". Skripsi puniki pituduh anggen ngrereh gelar sarjan ring program studi Pendidikan Bahasa Bali Jurusan Bahasa Sastra Indonesia dan Daerah Universitas Pendidikan Ganesha.

Suksma aturang titiang majeng ring kluarga titiang sareng sami utamanyane majeng ring aji titiang Dewa Made Astawa, biang titiang Gusti Ketut Warni, arin titiang Dewa Kadek Suka Ari Laksamana miwah semeton titiang sane nenten prasida titiang carca siki-siki. Sangkaning rasa jengah ring manah samian semeton sakluarga ngicenin panyemangat ring dewek titiang ngantos mangkin. Asapunika taler suksma aturang titiang majeng ring dewek titiang sampun prasida mautsaha ngawit dumun ngantos mangkin sane sampun siddha muputang skripsi puniki.

Suksma aturang titiang majeng ring Ida Ayu Putu Purnami, S.S., M.Pd. miwah Dr. I Ketut Paramarta, S.S., M.Hum. titiang wantah siddha ngaturang suksma riantukan sampun prasida ngicen dewek titiang panuntun saha akeh ngicenin piteket-piteket sane banget mabuat anggen jaralan titiang muputang skripsi puniki. Asapunika taler tan lali titiang ngaturang suksma ping banget majeng samia acarya ring Program Studi Pendidikan Bahasa Bali sane sampun ngicenin panutun ring dewek titiang ngantos mangkin.

Nenten lali titiang ngaturang suksma majeng ring Ibu Ni Made Yuda Astuti, S.Pd.B lan samian sisia kelas 7A SMP N 4 Sukasada sane sampun ngicenin galah ngamargiang tetilikan majeng ring titiang, nenten lali taler titiang ngaturang suksma ping banget majeng ring samian sawitran titiang ring Prodi Pendidikan Bahasa Bali santukan sampun ngawantur taler ngicen semangat, dumogi iraga stata leket masawitra. Wantah sekadi asapuniki sane prasida aturang titiang, petprada wenten sane nenten prasida carca titiang ring ajeng ampurayang ping banget, asapunika taler petprada wenten kaiwangan titiang, titiang nunas pangampura. Puputang titiang antuk parama santih.

Om Santih, Santih, Santih Om